



# Íslenskir radióamatörar, starfsárið 2024/25

Fundargerðir stjórnarskiptafundar og stjórnarfundar nr. 1 í nýrri stjórn ÍRA 2024/25; fimmtudag 4. apríl 2024 kl. 18:00 í Skeljanesi.

**Fráfarandi stjórn:** TF3JB formaður, TF1AM varaformaður, TF3GZ ritari, TF3PW gjaldkeri, TF3NH meðstjórnandi, TF3UA varamaður og TF3EIN varamaður.  
**Viðtakandi stjórn:** TF3JB formaður, TF3GZ og TF3NH (kjörnir til 2 ára), TF1AM og TF3PW (sitja síðara tímabil) og TF3UA og TF1EIN varamenn.  
**Gestir:** Stöðvarnefnd ÍRA (TF3GZ, TF8KY og TF3T) og TF3VS.

## Tillaga að dagskrá stjórnarskiptafundar.

- Fundarsetning og samþykkt tillögu að dagskrá.
- Fundargerð 7. fundar 2023/24 frá 18. janúar 2024 lögð fram.
- Útistandandi mál fráfarandi stjórnar.
- Stjórnarskipti. Fráfarandi stjórnarmenn kvaddir, gögnum skilað og húslyklum.
- Fundarslit og hlé.

## Tillaga að dagskrá 1. Stjórnarfundar.

- Fundarsetning 1. fundar í stjórn félagsins 2024/25.
- Tillaga að dagskrá lögð fram.
- Yfirlit yfir innkomin/útsend erindi á milli funda.

31.01.2024...Erindi til: Ritara IARU Svæðis 1; jákvætt atkvæði ÍRA með tillögu um að þátttaka á fundum Svæðis 1 verði heimil á staðnum og yfir netið; þ.m.t. kosningar.  
02.02.2024...Erindi frá: Fjarskiptastofu. Tilkynningu um opnun nýrrar vefsíðu stofnunarinnar á netinu.  
05.02.2024...Erindi til: Fjarskiptastofu. Beiðni um að stofnunin gangist fyrir prófi til amatörleysis laugardag 16. mars í félagsstöðu ÍRA í Skeljanesi.  
05.02.2024...Erindi frá: Fjarskiptastofu. Erindi ÍRA samþykkt.  
13.02.2024...Erindi frá: SARL. Tilkynning um Africa All Mode keppnina 16.-17. mars 2024.  
14.02.2024...Erindi frá: Boðsbref frá formanni DARC um að sækja Ham Radio sýninguna í Friedrichshafen 28.-30. júní; setningaráhætt og síðdegisboð fyrir fulltrúa landsfélaganna.  
18.02.2024...Erindi til: Giuseppe Cacciulo. Er ítalskur og hefur búið á Íslandi í 16 ár; er 59 ára og langar til að sitja íslenskt próf til amatörleysis. Spyr um næsta námskeið.  
20.02.2024...Erindi frá: Ritara IARU um þema „World Amateur Radio Day“ 18. apríl: „A Century of Connections: Celebrating 100 years of Amateur Radio Innovation, Community and Advocacy“.  
20.02.2024...Erindi til: Ritara IARU um vefsíðu á 59. fund framkvæmdaráðs IARU sem haldinn var 30.1.2024. <https://www.iaru.org/reference/ac-summary-records/>  
29.02.2024...Erindi frá: Matt, KD9WWG sem ætlar koma til Íslands í sumar og spyr um 2 metra og 70 sentimetra böndin.  
29.02.2024...Erindi til: KD9WWG. Hann boðinn velkominn til Íslands. Útskýrt hver er munur á 2M og 70CM hér á landi og í Bandaríkjunum.  
16.03.2024...Erindi frá: Hans, TF8BK; áframsent erindi frá Antonio, CT2FZY í.h. ShipXplorer.com sem hafa áhuga á að stækka „AIS network worldwide“. <https://www.shipexplorer.com>  
16.03.2024...Erindi til: CT2FZY. Mælt með að ShipXplorer hafi samband við Fjarskiptastofu með ráðgjöf.  
18.03.2024...Erindi frá: Fjarskiptastofu; umsókn Einaris Sverris Sandoz um úthlutun kallmerkisins TF3ES sendifélaginu til umsagnar. Einar stóðst próf til N-leyfis 16.3.2024.  
18.03.2024...Erindi til: Fjarskiptastofu. ÍRA gerir ekki athugasemd við úthlutun TF3ES til Einaris Sverris Sandoz.  
21.03.2024...Erindi frá: Fjarskiptastofu; umsókn Hákonar Arnar Árnasonar um úthlutun kallmerkisins TF3HOA. Hákon Örn stóðst próf til G-leyfis 16.3.2024.  
21.03.2024...Erindi til: Fjarskiptastofu. ÍRA gerir ekki athugasemd við úthlutun TF3HOA til Hákonar Arnar Árnasonar.  
25.03.2024...Erindi til: Stefan, OE7JDT sem er væntanlegur til landsins í sumar og spyr um APRS.  
25.03.2024...Erindi til: OE7JDT. Sendar upplýsingar um stafrarpa og internetgáttir í metrabylgjuviðinu (VHF) hér á landi.  
25.03.2024...Erindi til: Fjarskiptastofu með beiðni um uppfærslu aukinna afhæimilda í 50 MHz tíðnisviði sumarið 2024, frá maí-september.  
27.03.2024...Erindi frá: Howard, WB2DOF sem er væntanlegur til landsins í ágúst n.k. og spyr um 2 metra og 70 sentimetra böndin.  
27.03.2024...Erindi til: WB2DOF. Sendar upplýsingar um endurvarpa á 2M og 70CM hér á landi.  
28.03.2024...Erindi frá: URE með tilkynningu um sérstök kallmerki í telfni 75 ára afmælis spænska landfélagsins. <https://75aniversario.ure.es/>

Orðsendingar á milli stjórnfunda (eftir 18. janúar): 23, 25, 27, 28, 30, og 31. janúar (alls 6 sendingar 23.-31. janúar).

Orðsendingar í febrúar: 1, 3, 5, 6, 7, 9, 11, 13, 14, 15, 16, 17, 18, 19, 21, 24, 25, og 28. febrúar (alls 18 sendingar í febrúar).

Orðsendingar í mars: 1, 5, 7, 10, 11, 12, 13, 14, 15, 16, 17, 18, 21, 22, 24, 25, 26, 27, 28, 29, og 30. mars (alls 21 sending í mars).

- Stjórn skiptir með sér verkum.
- Aðalfundur 2024: Fundargögn, kostnaður og drög að fundargerð lögð fram.
- Við upphaf nýs starfsárs: Verkefni, fyrirkomulag verkefna, fundartími/staður stjórnarfunda.
- Skýrsla gjaldkera um stöðu félagssjóðs.
- Starfsáætlun 2024/25; fyrsta umfjöllun.
- Útgáfuáætlun CQ TF 2024/25. Tillaga ritnefndar lögð fram.
- Frá síðasta stjórnarfundu (18. janúar) og framundan:
  - CQ TF, 1. tbl. 2024 kom út 28. janúar.
  - TF3W var QRV í ARRL International CW keppninni 17.-18. febrúar.
  - Fræðsluerindi á vormánuðum var kynnt 31. janúar.
  - Nýtt viðtæki TF3GZ yfir netið á Sauðarkróki varð QRV 5. febrúar.
  - Próf Fjarskiptastofu til amatörleysis 16. mars.
  - TF3W var QRV í CQ WW WPX SSB keppninni 30.-31. mars.
  - Alþjóðadagur radióamatöra 2024; 18. apríl; starfræksla TF3WARD.
  - Páskaleikar 2024; 3.-5. maí.
- Önnur mál.
  - Miele ryksuga keypt fyrir félagið (1. febrúar).
  - Bánujármsgirðingin við Skeljanes viðgerð (5. febrúar).
  - Radiódót frá TF3WS (8. febrúar).
  - Hugmynd TF2LL um samstarf ÍRA við [radió]skáta.
  - Radiódót frá TF3WS (21. mars).
  - Radiódót frá TF3VS (21. mars).
  - Skipan 3 manna nefndar sem annast streymis- og upptökumál fá viðburðum í Skeljanesi.
- Búnaður í fjarskiptaherbergi ÍRA – aðgengilegur fyrir félagsmenn til notkunar yfir netið?
- Næsti fundur stjórnar.
- Fundarslit.

## STJÓRNARSKIPTAFUNDUR 4. APRÍL 2024.

### a. Fundarsetning og samþykkt tillögu að dagskrá.

Formaður, TF3JB setti fund kl. 18:00 og bauð menn velkomna. Mættir voru: TF3JB, TF1AM, TF3GZ, TF3PW, TF3NH, TF3UA og TF1EIN og einn gestur, TF8KY sem sat fundinn með leyfi. Tillaga að dagskrá var lögð fram og samþykkt.

### b. Fundargerð 7. fundar 2023/24 frá 18. janúar lögð fram.

Fundargerðin var samþykkt samhljóða.

### c. Útistandandi mál fráfarandi stjórnar.

Þar sem stjórn situr áfram óbreytt eru menn inni í málum. Engin sérstök mál eru útistandandi, en skoða þarf embættismannakerfið.

### d. Stjórnarskipti. Fráfarandi stjórnarmenn kvaddir, skila gögnum og húslyklum.

Formaður, TF3JB þakkaði fráfarandi stjórn fyrir framúrskarandi góð störf.

### e. Fundarslit og fundarhlé.

Formaður, TF3JB sleit stjórnarskiptafundi kl. 18:10.

Fundargerð ritaði  
Georg Kulp, TF3GZ  
ritari ÍRA

---

## FYRSTI FUNDUR NÝRRAR STJÓRNAR 4. APRÍL 2024.

### 1. Fundarsetning 1. fundar í stjórn félagsins starfsárið 2024/25.

Formaður, TF3JB setti fundinn kl. 18:15 og bauð menn hjartanlega velkomna. TF3JB, TF1AM, TF3GZ, TF3PW, TF3NH, TF3UA og TF1EIN.

### 2. Tillaga að dagskrá lögð fram.

Tillagan var samþykkt samhljóða.

### 3. Yfirlit yfir innkomin/útsend erindi á milli funda.

Formaður fór yfir innkomin og útsend erindi á milli funda. Engar athugasemdir komu fram.

### 4. Stjórn skiptir með sér verkum

Ný stjórn félagsins skipti með mér verkum og er þannig skipuð starfsárið 2024/25:

Jónas Bjarnason, TF3JB formaður; leyfisbréf nr. 80.  
Andrés Þórarinnsson, TF1AM varaformaður; leyfisbréf nr. 88.  
Georg Kulp, TF3GZ ritari; leyfisbréf nr. 301.  
Jón Björnsson, TF3PW gjaldkeri; leyfisbréf nr. 451.  
Njáll H. Hilmarsson, TF3NH meðstjórnandi, leyfisbréf nr. 425.  
Sæmundur E. Þorsteinsson, TF3UA varamaður; leyfisbréf nr. 90.  
Heimir Konráðsson, TF1EIN varamaður; leyfisbréf nr. 177.

### 5. Aðalfundur ÍRA 2024: Fundargögn, kostnaður og drög að fundargerð lögð fram.

Aðalfundur félagsins 2024 var haldinn í safnaðarheimili Neskirkju sunnudaginn 10. mars. Embættismenn fundarins voru kjörnir þeir Vilhjálmur Í. Sigurjónsson, TF3VS og Georg Kulp, TF3GZ sem fundarstjóri og fundarritari. Alls mætti 21 félagsmaður. Fundurinn var settur kl. 14:00 og slitið kl. 15:10. Félagsgjald var ákveðið kr. 7.500 fyrir rekstrarárið 2024.

Kostnaður félagssjóðs vegna húsaleigu og kaffiveitinga á fundinum nam 26.000 krónum, vegna prentunar aðalfundargagna 24.900 krónum og kostnaður vegna prentunar ársskýrslu 175.248 krónum.

Gögn sem voru lögð voru fram í aðalfundarmöppu:

- Dagskrá fundarins skv. 19. gr. félagslaga; sérprentun.
- Lög ÍRA; sérprentun.
- Skýrsla um starfsemi ÍRA 2023/24 (228 bls. að stærð).
- Áritaður ársreikningur félagssjóðs fyrir rekstrarárið 2023.
- Þættir í munnlegri skýrslu formanns um starfsemi félagsins; áhersluatriði.

## 6. Við upphaf nýs starfsárs: Verkefni, fyrirkomulag verkefna, fundartími/staður stjórnarfunda.

Formaður, TF3JB fór yfir starfsárið 2024/25 og kom víða við. Hann lagði fram og kynnti yfirlit yfir helstu verkefni nýs starfsárs. Hann sagðist skipta þeim í tvo flokka, föst verkefni og ný – auk þeirra sem verða tilfallandi sem ætíð eru ófyrirséð. Hann sagðist gera ráð fyrir 6-8 formlegum stjórnarfundum. Miðað er við að þeir verði haldnir í Skeljanesi, nema annað verði ákveðið, s.s. að efna til fjarfunda. Ennfremur er gert ráð fyrir a.m.k. einum félagsfundum á starfsárinu. Framlagt yfirlit um verkefni:

- *Félagsaðstaðan í Skeljanesi er opin fyrir félagsmenn og gesti á fimmtudagskvöldum, nema á frídögum og öðrum hátíðisdögum. Starfsárið stendur yfir frá 10. mars 2024 til 16. febrúar 2025. Alls eru 49 fimmtudagar sem falla innan starfsársins – en að frádregnum frídögum, verður félagsaðstaðan í Skeljanesi opin í alls 44 fimmtudagskvöld á starfsárinu.*

| MARS 2024  |  |
|------------|--|
| 1.         | Fimmtudagur 14. mars – opið                  |
| 2.         | Fimmtudagur 21. mars – opið                  |
| -          | Fimmtudagur 28. mars – skírdagur             |
| APRIL 2024 |  |
| 3.         | Fimmtudagur 4. apríl                         |
| 4.         | Fimmtudagur 11. apríl                        |
| 5.         | Fimmtudagur 18. apríl                        |
| -          | Fimmtudagur 25. apríl – sumardagurinn fyrsti |
| MAÍ 2024   |  |
| 6.         | Fimmtudagur 2. maí – opið.                   |
| -          | Fimmtudagur 9. maí – uppstigningardagur.     |
| 7.         | Fimmtudagur 16. maí – opið.                  |
| 8.         | Fimmtudagur 23. maí – opið.                  |
| 9.         | Fimmtudagur 30. maí – opið.                  |
| JÚNÍ 2024  |  |
| 10.        | Fimmtudagur 6. júní – opið.                  |
| 11.        | Fimmtudagur 13. júní – opið.                 |
| 12.        | Fimmtudagur 20. júní – opið.                 |
| 13.        | Fimmtudagur 27. júní – opið.                 |
| JÚLÍ 2024  |  |
| 14.        | Fimmtudagur 4. júlí – opið.                  |
| 15.        | Fimmtudagur 11. júlí – opið.                 |
| 16.        | Fimmtudagur 18. júlí – opið.                 |
| 17.        | Fimmtudagur 25. júlí – opið.                 |
| ÁGÚST 2024 |  |
| 18.        | Fimmtudagur 1. ágúst – opið.                 |
| 19.        | Fimmtudagur 8. ágúst – opið.                 |
| 20.        | Fimmtudagur 15. ágúst – opið.                |
| 21.        | Fimmtudagur 22. ágúst – opið.                |

| SEPTEMBER 2024 |  |
|----------------|--|
| 23.            | Fimmtudagur 5. september – opið          |
| 24.            | Fimmtudagur 12. september – opið         |
| 25.            | Fimmtudagur 19. september – opið         |
| 26.            | Fimmtudagur 26. september – opið         |
| OKTÓBER 2024   |  |
| 27.            | Fimmtudagur 3. október – opið            |
| 28.            | Fimmtudagur 10. október – opið           |
| 29.            | Fimmtudagur 17. október – opið           |
| 30.            | Fimmtudagur 24. október – opið           |
| 31.            | Fimmtudagur 31. október – opið           |
| NÓVEMBER 2024  |  |
| 32.            | Fimmtudagur 7. nóvember – opið.          |
| 33.            | Fimmtudagur 14. nóvember – opið.         |
| 34.            | Fimmtudagur 21. nóvember – opið.         |
| 35.            | Fimmtudagur 28. nóvember – opið.         |
| DESEMBER 2024  |  |
| 36.            | Fimmtudagur 5. desember – opið.          |
| 37.            | Fimmtudagur 12. desember – opið.         |
| 38.            | Fimmtudagur 19. desember – opið.         |
| -              | Fimmtudagur 26. desember – Annar í jólum |
| JANÚAR 2025    |  |
| -              | Fimmtudagur 2. janúar – lokað.           |
| 39.            | Fimmtudagur 9. janúar – opið.            |
| 40.            | Fimmtudagur 16. janúar – opið.           |
| 41.            | Fimmtudagur 23. janúar – opið.           |
| 42.            | Fimmtudagur 30. janúar – opið.           |
| FEBRÚAR 2025   |  |
| 43.            | Fimmtudagur 6. febrúar – opið.           |
| 44.            | Fimmtudagur 13. febrúar – opið           |

- *Húsnefnd annast opnun, frágang og lokun húsnæðis á fimmtudagskvöldum. Hér er átt við röðun húsgagna, þrif og annan frágang til að halda húsnæði vistlegu, þ.m.t. í fjarskipta- og QSL herbergjum. Í annan stað, að sjá um innkaup á kaffi, te, meðlæti og hreinsunartólum í samráði við gjaldkera og síðan, að taka fram og gera klárt, kaffi og kaffibrauð á opnunarkvöldum og ganga frá á eftir. Einnig að tína rusl sem oft safnast að inngangi hússins, annast snyrtingu á gróðri við húsið o.s.frv.*
- *Stöðvarnefnd gerir tillögur um og annast framkvæmd og uppsetningu/viðhald búnaðar í fjarskipta-herbergi og á loftnetum. Fjarskiptaborð A, B og C; viðhald og uppfærsla. Margt bíður, m.a. jarðtengingar, frágangur á köplum og snúrum o.fl.*
- *Rítnefnd gerir tillögu um, undirbýr og annast útgáfu félagsbladsins CQ TF, a.m.k. fjórum sinnum á ári. Nefndin gerir einnig tillögur til stjórnar að kynningarefni fyrir áhugamálið.*
- *Virkjun kallmerkja félagsins utanlands. Virkjun TF3IRA/TF3W í helstu alþjóðlegum keppnum, m.a. SAC, CQ, WAE o.fl. Virkjun TF3HQ í IRAU HF World Championship. Virkjun TF3WARD á alþjóðadegi radióamatöra. Virkjun TF3YOTA; ungmennastarf; m.a. í desembermánuði.*
- *Virkjun kallmerkja félagsins innanlands; fjarskiptaviðburðir ÍRA. Páskaleikar ÍRA. VHF/UHF leikar ÍRA. TF útileikar ÍRA og Alþjóðlega vita- og vitaskipahelgi ILLW.*
- *Fræðsludagskrá ÍRA. Fræðsluerindi á vormánuðum 2024 og fleira.*
- *Námskeið ÍRA til amatörprófs. Fyrirhugað er námskeið ÍRA til amatörprófs haustið 2024. Undirbúningur námssefnis. Samvinna stjórnar, prófnefndar og umsjónarmanns námskeiða við undurbúning og rekstur. Aðkoma stjórnarmanna að rekstri námskeiðs til aðstoðar við umsjónarmann.*

- *Netumsjón.* Dagleg umsjón með tölvupóstfangi félagsins, ira@ira.is Umsjón með uppfærslu heimasíðu, www.ira.is; þ.m.t. fréttir/tilkynningar og innsetning á FB síður. Uppfærsla á undirsíðum heimasíðunnar í samvinnu við embættismenn félagsins.
- *Stjórnvöld.* Dagleg/regluleg samskipti við Fjarskiptastofu og ráðuneyti.
- *Erlend samskipti stjórnar og embættismanna.* NRAU, IARU og IARU Svæði 1, auk samskipta við systurfélögin. Önnur erlend samskipti í nafni félagsins.
- *Önnur verkefni.* Endurskoðun/uppfærsla embættismannakerfi

## 7. Skýrsla gjaldkera um stöðu félagsjóðs

Gjaldkeri, TF3PW fór yfir stöðu félagsjóðs og er staðan 1.277.210 krónur. Jón benti á, að innheimta félagsgjalds 2024/25 er ekki hafin.

## 8. Starfsáætlun 2024/25; fyrsta umfjöllun

Farið var yfir starfsáætlun nýliðins starfsárs 2023/24 – til kynningar. Stefnt er að því að leggja fram fullbúið handrit að áætluninni á næsta fundi stjórnar og munu stjórnarmenn senda tillögur til formanns.

## 9. Útgáfuáætlun CQ TF 2024/25. Tillaga ritnefndar lögð fram.

Ritsstjóri, TF3UA fór yfir tillögu ritnefndar frá 19. mars s.l., að útgáfuáætlun 2024/25. Áætlunin gerir ráð fyrir fjórum tölublöðum á starfsárinu samkvæmt meðfylgjandi töflu.

| TÖLUBLAÐ     | AUGLÝST EFTIR EFNI   | ÚTKOMUDAGUR           | TÍMI FRÁ SÍÐASTA TÖLUBLAÐI |
|--------------|----------------------|-----------------------|----------------------------|
| 1. tbl. 2024 | -                    | Sunnudagur 28. janúar | -                          |
| 2. tbl. 2024 | 7. til 21. apríl     | Sunnudagur 28. apríl  | 11 vikur – 2 ¾ mánuðir     |
| 3. tbl. 2024 | 16. júní til 7. júlí | Sunnudagur 14. júlí   | 11 vikur – 2 ¾ mánuðir     |
| 4. tbl. 2024 | 15.-19. september    | Sunnudagur 6. október | 11 vikur – 2 ¾ mánuðir     |
| 1. bl. 2025  | 2.-15. janúar 2025   | Sunnudagur 26. janúar | 13 vikur – 3 ¼ mánuðir     |

Miðað er við að hvert blað verði af stærðinni 40-48 blaðsíður og að prentuð verði 25 eintök af hverju blaði til notkunar fyrir félagið (óbreytt frá síðasta starfsári). Þá er miðað við að birta áfram styrktarlínu Vodafone á bls. 2 [eins sem birt var í fyrsta sinn í 1. tbl. 2022]. Tillaga ritnefndar samþykkt samhljóða.

## 10. Frá síðasta stjórnarfundi (18. janúar) og framundan.

Formaður, TF3JB fór yfir helstu atriði í félagsstarfinu frá síðasta stjórnarfundi (18. janúar 2024), auk þess að kynna stuttlega næstu atriði sem eru framundan.

- CQ TF, 1. tbl. 2024.* Blaðið var sett inn á heimasíðu ÍRA og FB síður 28. janúar. Stærð: 52 blaðsíður. Blaðið var sent á rafrænu formi til systurfélaganna á Norðurlöndum 31. janúar. Það var sent í prentun 4. febrúar og í framhaldi póstlagt til stjórnvalda, heiðursfélaga og til félaga sem eiga efni í blaðinu 13. febrúar.
- TF3W var QRV í ARRL Intenational CW keppninni 2024.* Félagsstöð ÍRA, TF3W var virkjuð í ARRL morskkeppninni 17.-18. febrúar. Fjöldi sambanda: 1.539. Bráðabirgðaniðurstöður (e. *score before checking*): 1,021,644 punktar. Keppt var í flokknum „Multi operator, single transmitter, low power“. Viðvera: 33 klst. Þakkir til Alex, TF/UT4EK og Sæmundar, TF3UA fyrir að virkja kallmerkið.
- Verkefni um fræðsluerindi á vormánuðum var kynnt 31. janúar.* Fræðsluerindin voru sett upp í töflu 28. janúar í samráði við Andrés Þórarinsson, TF1AM varaformann sem stýrði verkefninu. Upplýsingatafla var enduruppsett af Vilhjálmí Í. Sigurjónssyni, TF3VS 31. janúar og í framhaldi sett inn á opnunarsíðu heimasíðunnar. Taflan var í framhaldi send í prentun þar sem nokkur eintök voru prentuð í A3 stærð til upplýmingar í Skeljanesi og 40 eintök í A4 stærð, til að liggja frammi í salnum í félagsaðstöðunni.
- Nýtt viðtæki TF3GZ yfir netið var sett upp á Sauðárkróki 5. febrúar.* Nýtt KiwiSDR viðtæki yfir netið var tengt á Sauðárkróki 5. febrúar. Um er að ræða KiwiSDR viðtæki í eigu Georgs Kulp, TF3GZ sem Ari Þórólfur Jóhannesson, TF1A forritaði og Kristján J. Gunnarsson, TF4WD hýsir í húsnæði sem er á hans vegum í útjaðri Sauðárkróks, ekki langt frá Steinullarverksmiðjunni – sem aftur er steinsnar frá höfninni. Vefslóð: <http://krokur.utvarp.com>
- Próf Fjarskiptastofu til amatörleyfis 16. mars.* Eftirtaldir stóðust próf Fjarskiptastofu til amatörleyfis þann 16. mars. Einar Sverrir Sandoz, Reykjavík (fæddur 1966) – N-leyfi – TF3ES og Hákon Örn Árnason, Reykjavík (fæddur 1986) – G-leyfi – TF3HOA. Af þeim fimm sem mættu til prófs tóku fjórir þátt í prófi í reglum og viðskiptum (en einn hafði áður náð árangri

til G-leyfis). Þeir tveir sem útaf standa, náðu báðir árangri í reglum og viðskiptum; annar til N-leyfis og hinn til G-leyfis.

- f. *TF3W var QRV í CQ WW WPX SSB keppninni 2024.* Félagsstöð ÍRA, TF3W var virkjuð í CQ World Wide WPX SSB keppninni helgina 30.-31. mars. Kallmerkið TF3W var notað. Keppt var í flokknum „Multi operator, single transmitter, high power“. Þakkir til Sigurðar, TF3CW; Alex, TF/UT4EK; og Ólafs, TF3OJ fyrir að virkja kallmerkið.

*FRAMUNDAN-1:* Alþjóðadagur radióamatöra er 18. apríl; starfræksla TF3WARD. Alþjóðadagurinn kemur upp á fimmtudag. Stefnt er að því að virkja kallmerkið frá Skeljanesi. Kallmerkið hefur verið virkjað árlega frá árinu 2020. Sérstakt kallmerki félagsins er TF3WARD (World Amateur Radio Day).

*FRAMUNDAN-2:* Páskaleikar ÍRA 3.-5. maí. Páskaleikar ÍRA 2024 verða haldnir helgina 3.-5. maí n.k. Þetta verður í 8. skipti sem félagið gengst fyrir leikunum sem voru fyrst haldnir árið 2018. Stefnt er að því að virkja kallmerkið TF3IRA í leikunum.

## 11. Önnur mál.

Formaður, TF3JB fór yfir önnur helstu atriði frá síðasta stjórnarfundum (18. janúar 2024) – sem flokkast undir „Önnur mál“.

- a. *Miele ryksuga keypt fyrir félagið (1. febrúar).* Ný ryksuga af Miele gerð (Complete C3 Active) var færð í hús í Skeljanesi 1. febrúar. Það Sæmundur E. Þorsteinsson, TF3UA sem annaðist innkaupin og fékk 25% afslátt hjá Elko. Þakkir fyrir þessi hagkvæmu viðskipti fyrir hönd ÍRA.
- b. *Bárujárnsgirðingin við Skeljanes viðgerð (5. febrúar).* Georg Kulp, TF3GZ stóð sig vel eins og fyrri daginn og fyllti upp í gatið á löngu bárujárnsgirðingunni 5. febrúar. Plöturnar sem höfðu fokið í veðrinu fyrir nokkrum vikum voru aftur settar á hurðargrindina með hnoðum. Þakkir til Georgs fyrir að bregðast skjótt við. Síðan verður sett málning á opnunina í veggnum þegar veður lagast í vor.
- c. *Radiódót frá TF3WS (8. febrúar).* Töluvert magn af dóti barst frá Sigga Harðar 8. febrúar, m.a. Yaesu FT-180A stöðvar, Yaesu FTC-1525A VHF stöðvar, JVC audio búnaður, Siemens skipatæki (viðtæki), verulegt magn af radiólömpum o.m.fl. Þakkir til Sigga fyrir hugulemina.
- d. *Hugmynd TF2LL um samstarf ÍRA við [radió]skáta.* Eftirfarandi er tölvupóstur frá Georg Magnússyni, TF2LL sem sendur var félaginu í júlí 2023 og lent á milli skips og bryggju hjá formanni. Erindið er hins vegar jafn mikilvægt í apríl 2024 og það var í fyrrasumar og því lagt fyrir stjórn ÍRA nú.

*Í nýjasta tölublaði CQ TF (3. tbl. 2023 júlí) sér ritstjórnin ástæðu til þess í leiðara að minnst á félagafjölda, þróun og horfur í fjölgun félaga og nefnir þar prósentur máli sínu til stuðnings, auk fjölda sem hefur skráð sig á næstanámskeið. Ég hef velt þessu fyrir mér öðru hvoru, hvernig bæta megi úr og auka starfsemina og þar með félagaföldann. Þegar maður flettir QST og RadCom, félagsblöðum amerísku og ensku radióamatörafélaganna sér maður oft og iðulega greinar um skáta unga sem aldna radióskáta við störf og leik. Ég sé ekki betur en að skátastarfið í þessum löndum skili sér áfram til félaganna. Það sem ég velti fyrir mér hvort ekki væri hægt að koma á samstarfi, samvinnu milli skátanna hér heima og félagsins? Nýta félagsaðstöðuna betur en gert er og fá þannig unga fólk inn í húsið? Nú þekki ég ekki hvernig skáta starfinu er háttað hvað varðar radióskáta og slíka starfssemi innan skátanna né heldur hvernig samvinnu og samstarfi hefur verið háttað milli ÍRA og skátanna í gegn um tíðina en vil þó nefna að margir öflugir radióamatörar og þar á meðal stjórnarmenn ÍRA eru í og tengdir skátahreyfingunni og unnið mikið og gott starf beggja megin borðsins, ef svo má að orði komast. Af þessu framansögðu langar mig til þess að beina því til stjórnar ÍRA hvort ekki sé hægt að koma á auknu samstarfi og samvinnu, milli félagsins og skátanna með það að markmiði samnýta félagsaðstöðuna sem myndi svo vonandi á endanum skila sér til baka til félagsins í formi nýrra, ungra, áhugasamra félaga. 73 de TF2LL.*

Andrés Þórarinsson, TF1AM varaformaður tekur að sér að gera tillögur til stjórnar.

- e. *Radiódót frá TF3WS (21. mars).* Töluvert magn af dóti barst frá Sigurði Harðarsyni, TF3WS 21. mars. M.a. ýmislegt radiódót, þ.á.m. mælitæki. Þakkir til Sigga fyrir hugulemina.
- f. *Radiódót frá TF3VS (21. mars).* Radiódót barst frá Vilhjálmi Í. Sigurjónssyni, TF3VS 21. mars. M.a. Fieldmaster CB handstöðvar. Þakkir til Vilhjálms fyrir hugulemina.
- g. *Skipan 3 manna nefndar sem annast streymis- og upptökumál fá viðburðum í Skeljanesi.* Andrés Þórarinsson, TF1AM varaformanni tekur að sér að gera tillögur til stjórnar.

## **12. Búnaður í fjarskiptaherbergi ÍRA – aðgengilegur fyrir félagsmenn til notkunar yfir netið?**

Formaður, TF3JB bauð gesti fundarins velkomna. Það voru annars vegar stöðvarnefndarmenn: Georg Kulp, TF3GZ formaður, Hrafnkell Sigurðsson, TF3GZ og Benedikt Sveinsson, TF3T. Og hins vegar, Vilhjálmur Í. Sigurjónsson, TF3VS. Formaður kynnti framlagða samantekt sem allir viðstaddir höfðu fengið senda fyrir fundinn.

Þar kemur m.a. fram að á félagsfundum s.l. 2 ár (2022 og 2023) hefur verið fjallað um uppbyggingu félagsstöðvarinnar. Á fundinum 10. nóvember 2022 var sett fram áætlun um uppbyggingu loftneta TF3IRA. Á fundinum ári síðar (9. nóvember 2023) flutti stjórn félagsins skýrslu um uppbygginguna sem átti sér stað sumarið 2023 þegar sett voru upp þrjú ný loftnet á HF.

Um er að ræða 9 staka Yagi loftnet á 17-10 metrum, stangarnet á 80-10 metrum og endafætt vírnet á 80 og 40 metrum. Að auki var gert við eldra Yagi loftneti fyrir 20 metra og lagfært diskloftnet fyrir fjarskipti um QO-100 gervitunglið. Fyrir var endafætt vírnet á 160 metrum.

Samkvæmt ofangreindu má segja að „loftnetabúskapur“ félagsstöðvarinnar sé orðinn mjög viðunandi. Í ljósi þess, lagði fráfaramandi stjórn til á aðalfundi ÍRA 2024 að viðtakandi stjórn hlutist til um að skipa nefnd sem kanni fýsileika þess að búnaður TF3IRA geti orðið aðgengilegur fyrir félagana yfir netið.

Spurning er, hvort nauðsynlegt er að setja málið í nefnd í ljósi þess – að bent hefur verið á að í stað þess að nota núverandi HF stöð (Icom IC-7610) fái fram veruleg einföldun með því að selja hana og kaupa FlexRadio 6400M stöð. Þar með megi losna við kaup á búnaði sem Icom stöðin þurfi en Flex stöðin hafi innibýggðan. Kostnaður félagssjóðs gæti verið um 200 þúsund krónur vegna þessa.

Til að ræða þetta og fleiri atriði sem stöðvarnefnd hefur skoðað undanfarnar vikur og sem varða aðstöðuna í fjarskiptaherbergi félagsins – var stöðvarnefndin beðin um að mæta á þennan 1. fund stjórnar félagsins. TF3VS var einnig beðinn um að mæta og hafa meðferðis FlexRadio Maestro stjórnborð sem hann getur tengt við FlexRadio 6600 stöð sína heima í Kópavogi og sýnt virkan þessa búnaðar.

Mættir voru á fundinn úr stöðvarnefnd, Georg Kulp, TF3GZ formaður, Benedikt Sveinsson, TF3T og Hrafnkell Sigurðsson, TF8KY. Ennfremur Vilhjálmur Í. Sigurjónsson, TF3VS með mætti á staðinn með FlexRadio Maestro stjórnborð til þess að sýna fundarmönnum virkan þess.

Farið var yfir mál sem varða aukinn aðgang félagsmanna að stöðvum og búnaði félagsins. Komið var m.a. inn á hvaða tæki þurfi að kaupa og þann búnað sem þarf til – til þess að koma á fjaraðgangi. Ennfremur þarf að jarðtengja tæki og búnað og hefur Sveinn Goði Sveinsson, TF3ID boðið fram aðstoð í þeim efnum.

Ritari, TF3GZ fór yfir hvernig hann sér fyrir sér nýja borðplötu í fjarskiptaherberginu í stað þeirra fjögurra borða þar eru í dag – og hvernig vinnu yrði háttáð í kringum uppsetningu. Fara má í verkefnið við tækifæri þar sem ekki bráðliggur á.

Georg skýrði stuttlega frá því að stöðvarnefnd hafi hist tvisvar og rætt málin sín á milli, þ.e. hvernig menn sjá fyrir sér aukna nýtingu fjarskiptabúnaðar félagsins. Tækakaup voru nefnd, þ.á.m. kaup á loftnetsskipti og búnaði fyrir fjaraðgang. Nefndamenn hafi verið sammála um, að byrja þurfi á að taka til í fjarskiptaheberginu og ganga frá jarðbindingu.

Að lokum setti Vilhjálmur Í. Sigurjónsson, TF3VS upp FlexRadio Maestro stjórnborð sem tengdist FlexRadio 6600 stöð hans heima í Kópavogi yfir netið. Hann útskýrði jafnframt búnaðinn og þá möguleika sem í boði eru yfir netið.

## **13. Næsti fundur stjórnar.**

Ekki var tiltekin ákveðin dagsetning, en samþykkt að efna til næsta fundar eftir 3-4 vikur.

## **14. Fundarslit.**

Formaður, TF3JB þakkaði stjórnarmönnum og gestum fyrir góða fundarsetu og sleit fundi kl. 19:40.

Fundargerð ritaði  
Georg Kulp / TF3GZ  
ritari ÍRA